

Malagasy - Salamo - Praying WP Psalms

Salamo 68:1 Au chef de musique. De David. Psaume. Cantique, 1 [Fankalazana an'Andriamanitra noho ny fitondrany ny Isiraely sy ny fandreseny ny fahavalony] Ho an'ny mpiventy hira. Salamo nataon'i Davida. Tonon-kira. Aoka hitsangana Andriamanitra, ka hiely ny fahavalony; ary aoka izay mankahala Azy handositra ny tavany.

Salamo 5:9,10 Fa tsy misy azo itokiana ny aloaky ny vavany; ny ao anatin'ny dia tena faharatsiana*; fasana misokatra ny tendany. Mandambolambo ny lelany izy. [Na: lavaka mitanatana] 10 Helohy izy, Andriamanitra ô; Aoka ho lavon'ny saina ataony izy; Roahy izy noho ny haben'ny fahotany, satria efa niodina taminao.

Salamo 11:6 Handatsaka fandrika amin'ny ratsy fanahy Izy tahaka ny fandatsaka ranonorana; afo sy solifara ary rivo-mahamay no ho anjara kapoakany.

Salamo 18:14 Dia nandefa ny zana-tsipikany Izy ka nampielany ny fahavaloko. Ary nampandeha helatra be ka nampifanaritaka azy.

Salamo 18:17 Namonjy ahy tamin'ny fahavaloko mahery Izy sy tamin'izay nankahala ahy, satria tsy leoko ireny

Salamo 18:39 Hianao mampisikina ahy hery hiady; aripakao ho ambaniko izay mitsangana hamely ahy.

Salamo 18:45 Ny hafa firenena dia mihaketraka, ka miala amin-kovitry avy ao amin'ny fiarovany mafy.

Salamo 27:11 Ampianaro ny lalanao aho, Jehovah ô; ary tariho amin'ny lalana marina aho noho ny fahavaloko.

Salamo 35:1-8 De David 1 [Fiantsoana an'Andriamanitra hamaly ny ratsy ataon'ny mpanenjika] Nataon'i Davida. Jehovah ô, mamalia izay manana ady amiko; miadia amin'izay mamely ahy. 2 Raiso ny ampinga kely sy ny ampinga lehibe ka mitsangana hamonjy ahy. 3 Ary raiso ny lefona, ka sakano izay manenjika ahy; lazao amin'ny fanahiko hoe: Famonjena anao Aho. 4 Aoka ho menatra sy ho afa-baraka izay mitady ny aiko; aoka hiamboho sy hangaihay izay misaina hanisy ratsy ahy. 5 Aoka ho tahaka ny akofa eo alohan'ny rivotra izy. Ary aoka ny Anjelin'i Jehovah handroaka azy. 6 Aoka ho maizina sy malama ny lalany, ary aoka ny Anjelin'i Jehovah hanenjika azy. 7 Fa tsy ahoan-tsy ahoana no nanaovany fandri-

totofana hahazoany ahy; tsy ahoan-tsy ahoana no nandavahany hamandrihany ny aiko. 8 Aoka ny fandranganana ho tonga tampoka aminy; ary aoka hahazo azy ny fandrika harato nafeniny, ka ho latsaka ao amin'izany fandranganana izany indrindra izy.

Salamo 52:5 Andriamanitra kosa hanimba* anao mandrakizay; hisambotra anao sy hanongotra anao hiala ao an-day Izy, ary hamongotra anao tsy ho eo amin'ny tanin'ny velona. [Na: hanongana]

Salamo 60:12 Andriamanitra no haherezantsika; fa Izy no hanitsakitsaka ny fahavalontsika.

Salamo 66:3 Lazao amin'Andriamanitra hoe: endrey, mahatahotra ny asanao! ny fahalehibiazan'ny herinao no hikoizan'ny fahavalonao Anao.

Salamo 68:35 Mahatahotra Hianao, Andriamanitra ô, ao amin'ny fitoeranao masina; Andriamanitry ny Isiraely no manome hery sy tanjaka ho an'ny olona. Isaorana anie Andriamanitra.

Salamo 70:1 Au chef de musique. De David ; pour faire souvenir. 1 [Fangatataham-pamonjena] Ho an'ny mpiventy hira. Nataon'i Davida. Ho fampahatsiarovana. Andriamanitra ô, faingàna hanafaka ahy; Jehovah ô, faingàna hamonjy ahy.

Salamo 71:13 Aoka ho menatra sy ho levona ny mpanohitra ny fanahiko; aoka hitafy henatra sy fahafaham-baraka izay mitady hanisy ratsy ahy.

Salamo 76:12 Manapaka ny reharen'ny lehibe Izy sady tahotry ny mpanjakan'ny tany.

Salamo 118:10 Ny firenena rehetra nanodidina ahy; Fa ny anaran'i Jehovah no handringanako azy tokoa;

Salamo 118:12 Nanodidina ahy tahaka ny renitantely izy; Voavono tahaka ny afon-tsilo izy; Fa ny anaran'i Jehovah no handringanako azy tokoa.

Salamo 149:8,9 Hamatorany ireo mpanjakany amin'ny gadra, Sy ny olomalazany amin'ny gadra vy. 9 Mba hanaovany ny fitsarana voasoratra: Voninahitry ny olony masina rehetra Izany. Haleloia.

**Pastor T. John Franklin
Church of Salvation, Healing, and Deliverance
COS-HAD.org**